

Visoki predstavnik donio amandman na Zakon o društvima za upravljanje fondovima i investicionim fondovima u Federaciji BiH

Visoki predstavnik, Wolfgang Petritsch, je danas donio odluku kojom se donosi amandman na Zakon o društvima za upravljanje fondovima i investicionim fondovima u Federaciji BiH. Stav 3, člana 134, kojim se period u kome privatni investicioni fondovi (PIF) mogu vrsiti upis dionica ograničava na tri mjeseca, se briše.

Gradjani Bosne i Hercegovine će ubrzo, vaučerima ili gotovinom, moći kupovati dionice preduzeća u BiH koja će biti privatizirana, bilo putem direktnog upisa dionica ovih preduzeća, bilo putem PIF-a. PIF je izuzetno važan dio procesa privatizacije, koji upravlja ulogom svojih dioničara u njihovo ime, stedeći na taj način i administrativne troškove i koristeći znanje PIF-a u ovakvom upravljanju.

Privatni investicioni fondovi su u maju 2000. godine počeli sa prikupljanjem ponuda za upis dionica gradjana BiH, pod pretpostavkom da će se brzo odstampati spisak preduzeća i dionica koje idu na javnu ponudu za upis. Ovaj spisak bi pokazao gradjanima koje investicione mogućnosti postoje za privatne investicione fondove. Nažalost, Agencija za privatizaciju u Federaciji BiH je do sada dva puta odlagala stampanje ovih spiskova.

Medjunarodna savjetodavna grupa za privatizaciju je informirala Visokog predstavnika da gradjani, bez znanja koje su njihove investicione mogućnosti, ne mogu izvršiti procjenu

kako će upravitelji fondova iz PIF-a koristiti njihove investicije. Iz tog razloga, malo je vjerovatno da će građani BiH koristiti PIF-ove, koji, kao rezultat toga, neće moći dostići zakonom postavljeni minimum vrijednosti prikupljenih ponuda u iznosu od dvije stotine miliona KM u roku od tri mjeseca.

Ponistavanjem roka od tri mjeseca za prikupljanje ponuda za upis dionica iz Zakona o društvima za upravljanje fondovima i investicionim fondovima, Visoki predstavnik je osigurao mogućnost da PIF-ovi ispune zakonom postavljene uslove. Komisija za sigurnosne papire Federacije BiH je sada ovlaštena da izda propise kojima se reguliraju rokovi za upis u PIF-ove.

Visoki predstavnik želi da osigura nastavak procesa privatizacije bez nepotrebnih prepreka, kao i da građanima BiH ovaj proces bude od koristi. Privatizacija je u samom središtu ekonomske reforme kroz koju BiH mora proći da bi doslo do prosperiteta i stabilnosti ovog regiona.